

Molichaba Menyakong ea Hao



SABATHA MANTSIBOEA

Bakeng Sa Thuto ea Beke ena Bala: *Mar 12:29–31, Deut. 10:1–19, Lipe.146:5–10, Matt. 7:12, Deut. 27:19, Jakobo 1:27–2:11.*

Temana ea Khopolo: “Le lona, ratang molichaba, etsoe le bile balichaba naheng ea Egepeta” (*Deut 10:19*).

Jalokaha re ile ra bala bekeng e fetileng, ha bangoli ba 'motsa ka “Molao oa pele o moholo” (*Mar 12:28*), Jesu o ile a arabela ka ho fana ka tiiso ea hore Molimo o mong, eaba o re: “U tla rata Jehova Molimo oa hao ka pelo ea hao eohle, le ka moea oa hao oohle, le ka matla a hao kaofela.”

Ona ke oona molao oa pele” (*Mar 12:30, NKJV*).

Leha hole joalo, Jesu o tsoetse pele, eaba o buoa ka “molao oa bobeli o tšoanang le oona” (*Mar 12:31, NKJV*), eleng se bangoli ba neng ba sa se botsa. Leha hole joalo, kaha Jesu o ne a tseba bohlokoa ba sena, a re: “me oa bobeli o joaloka oona ke ona: ‘Rata oa heno joaloka ha u ithata.’Ha hona molao o moholo ho ona” (*Mar 12:31, NKJV*).

Ha hona molao o moholo ho oo? Jesu o entse lerato ho Molino le lerato la noganeno molao o le mong, 'me molao oo e n'e le o moholo ho feta eohle.

Hape-hape, Jesu o ne a sa tle ka ntho'e ncha, ntho'eo Bajude ba neng ba e so ka ba e utloa hohang. Empa, boipiletso bo ho mo rata ho feta eng kapa eng—taba ea ho rata ngoaneno le ea ho rata batho ba bang e le eona tsela ea ho bontša lerato la rona ho Molimo, e n'e nkuoe bukeng ea Deutrenoma.

**Ithute Thuto ea Beke ena Ho Lokisetsa Sabatha sa la, 30 Mphalane*

Bolotsang Lipelo tsa Lona

Deuteronoma 10, ntšetso-pele ea Deuteronoma 9, empa Molimo o mpa toboketsa selekane seo a se entseng le Isearele. E, boholo ba buka ena re ka re ke nchafatso ea selekane. Ke hore, le kamora sebe sa bona se be Horebe, moo itseng ha Moshe a qala a re pote-pote! Ba oela khumamelong ea litšoantšo, Molimo o ne a ntse a e-so qete ka bona.

Bala Deuteronoma 10:1–11. Ho etsahal’ang moo e re thusang ho utloisisa hore Molimo o tsoaretse batho ba hae sebe sa bona ’me o ne a boela a toboketsa tsepisso ea selekane e fuoeng bona le bo ntat’a bona?

Moshe o ile a choatla Melao e Leshome (*Deut. 9:17*)—letšoao la selekane (*Deut. 32:19*). “E le ho bontša kamoo a nyonyang sebe sa bona kateng, a pjtatlanya matlapa a molao fatše, ’me a choatleha mahlong a bohle, sena e le pontšo ea hore kaha ba tsoile selekane le Molimo tlase, Molimo le eena o khaotse selekane le bona, ka hona, Molimo le eena o ne a robile selekane sa hae le bona.”—Ellen G. White, *Patriarchs and Prophets*, leq. 320.

Ka hona, taba ea hore Molimo o ile a bolella Moshe ho boela a betla majoe a mang “a tšoanang le a pele” le ho ngola mantsoe a neng a ngotsoe matlapeng a pele ho bontša hore Molimo o ne a tsoaretse sechaba, ’me o ne a e-so qete ka bona, le nakong eo.

Bala Deuteronoma 10:14–16. Molimo o reng ho bona? Se boleloang ke litšoantšo tse sebelisitsoeng ke Molimo moo ke sefe?

Ho na le motsoako oa litšoantšo mona: letlalo la botona, pelo, molala. Empa, taba e ea hlaka. Lebollo e n’e le letšoao la selekane, empa e n’e le letšoao la ka ntle fela. Molimo o ne a batla lipelo tsa bona, ke hore, likelello tsa bona le lerato la bona. Setšoantšo sa molala o sataletseng se ne se bontša manganga a bona a ho hana ho mamela Jehova. Hape, haele hantle, makhetlo, Jehova o ne a ba bolella hore ba khaotse ho ba bo ’mankhane ba mo sebeletse ka pelo le moea oohle.

Nahana ka nako tsohle tseo Molimo a u tšoaretseng libe tsa hao. See se lokela ho u ruta’ng ka mohau oa hae?

Rata Molichaba

Hara likhalemelo tsena, Moshe o oa phatlalatsa: “Bona, maholimo le maholimo a maholimo ke a Jehova, Molimo oa hao, le lona lefatše le lintho tsohle tse ho lona” (*Deut. 10:14*). Ke phatlalatsa e matla ha kaakang ea boholo le borena ba Molimo, eleng taba e fumanoang likarolong tse ling tsa Bibe: “Lefatše ke la Jehova, le tsohle tse ho lona, lefatše le ba ahileng ho lona” (*Lipe.24:1*).

Bala Deuteronoma 10:17–19. Phatlalatsa e 'ngoe eo Moshe a e etsang ka Jehova ke efe moo? Seo eleng s bohloko ho feta, Jehova o laela batho ba hae eng e le sephetho sa phatlalatsa eo?

Yahweh ha se morena oa maholimmo le lefatše feela, o boetse ke “Molimo oa melingoana, Morena oa Marena” (*Deut. 10:17*). Sena ha se bolele hore hona le melimo e meng, e tlasana, e kang eo bahetene ba neng ba ba pota-potile ba neng ba e rapela. Empa, ke tsela ea ho bontša kamoo eleng eena fela Molimo (“Talimang joale hobane ke 'Na, e, ke 'Na feela” [*Deut. 32:39*]), e toboketsa hore ke Morena oa mebuso eohle, ea 'nete kapa e ka nahanoang, leholimong kapa lefatšeng.

Temana e boetse e re, ke “Molimo ea holimo-limo, ea matla, ea babatsehlang, ea sa eeng ka tšobotsi, ea sa nkeng lehlakore.” Sena sohle ke karolo ea molaetsa o moholo: Yahweh ke Molimo oa hao, lona, le sechaba sa hae, le lokela ho mo mamela.

Ke papiso e matla ha kaakang e bontšoang moo hape-hape! E, Yahweh ke Molimo oa melingoana, Morena oa marena, 'Musi le motšoari oa tlhohleho eohle a inotsi (*Bakolo. 1:16, 17*), empa o boetse o khathalla likhutsana, bahlolohali, le balichaba, 'me o bontša tsotello eo ka ho sebeletsa litlhoko tsa bona tsa mantlha. Molimo ea elleloang ha seroebele se oela fatše (*Matt. 10:29*) o tseba masisa-pelo a ba eisanang sechabeng. Ka mantsoe a mang, Morena o bolella batho hore, *HO LOKILE, mohlo-momg le khethiloe, le khethehile, 'me kea lerata, empa ke rata le bana ba bang kaofela, ho kenyeletsa bahloki le ba tlokotsing hara lona, 'me joalokaha ke ba rata, le lona le ba rate. Ena ke e 'ngoe ea maikarabello a lona selekaneng, 'me ea bohlokoa-hlokoa.*

Bala Lipesalema 146:5–10. Molaetsa oa Pesalema o bontšang se buuoang ke Molimo moo ke ofe, 'me see se lokela ho bolet'ang ho rona kajeno, re le Bakreste?

Hobane le Bile Makhoba Egepeta

“Le lona, ratang molichaba, etsoe le bile balichabaa naheng ea Egepeta”
(Deut. 10:19).

Molaetsa oa Iseraele oa khale ke ofe moo? Seo molaetsa o tsoang temaneng ee bakeng sa rona ke ofe?

Lilemo-lemo pele ho moo, Morena o ile a bolella Abrame: “Tseba hobane litloholo tsa hao e tla ba bajaki naheng ee eseng ea bona, ’me e tla ba bahlanka, ’me ba tla tujoa ka lilemo tse makhola a mane” (*Gen. 15:13; sheba le Gen. 17:8, Liketso 13:17*). Sena, ke sona se etsahetseng hantle, ’me litemaneng tse qalong ho Exoda re bona pale e hlollang ea topollo ea bona (*Exod. 15:13*) le pholoso (*Exod. 14:13*) Egepeta tse ngoletsoeng nala, letšoao, mofuta, oa pholoso le topollo tseo re li filoeng ho Jesu Kreste. Litemaneng tsena, Morena o batla hore ba hopole moo ba bileng teng le seo ba bileng sona—eleng balichaba naheng esele.

Ka mantsoe a mang, hopola nakong eo o neng o le sono hara sechaba, o se na thuso, o le lekhoba, empa, ka mohau oa ba neng ba le matla ho o feta, ba neng ba ka u hlekefetsa, ba neng ba na le ho etsa joalo. Leha Iseraele e ne e le sechaba se khethiloeng, seo Molimo a se bitsang “’muso oa baprista” (*Exod. 19:6*), ’me leha ho ne ho ena le phapang mona le mane pakeng tsa bona le balichaba ba hara bona—haholo-holo malebana le litšebeliso tsa bolumeli—ha ho thuo “litokelong tsa batho,” molichaba, mohlolohali, le khutsana li ne li lokela ho tšoaroa hantle li abeloe toka joalokaha le Baiseraele ba ne ba lebeletse joalo ha e le makhoba.

Bala Mattheu 7:12. Ke joang temana e kenyeletsang seo Molimo a neng a se bolella Iseraele malebana le kamoo ba neng ba lokela ho tšoara batho ba sono kateng?

Khalemelo ena e fuoang Iseraele malebana le kamoo e neng e lokela ho tšoara balichaba kateng e ne e se ntho’e tloaelehileng lefatšeng la khale, moo ka nako e ’ngoe batho ba fokolang ba neng ba ka tšoaroa joaloka liphoofofo.

Ha ho bapisoa, Iseraele e ne tlameha ho fapana, e be leseli la lichaba. E, phapang eno e n’e tla fumanoa ho Molimo oo ba o khumamelang, kamoo ba o khumamelang kateng, le leano lohle la khumamelo leo Morena a neng a ba file sona. Empa, ho tšoara batho ba tlokotsing hantle e kabe e bile sebetsa sa bohlokoa bakeng sa ho pakela lefatše ka boholo ba Molimo oa bona, le tumelo ea bona, tseo e neng e le lona fela lebaka la boteng ba bona, ho paka ka lefatše la Molimo oa bona.

Ahlola ka Toka

Joaloka balumeli, re bilelitsoe ho bonahatsa semelo sa Molimo. Paulosi o ile a ngola, “Bana baka ba banyenyane, lona bao ke boelang ke le utloela bohloko ba ho tsoala, Kreste a tle a be a bopeloe kahare ho lona” (*Baga. 4:19*). Kaholimo ho tsohle, ka tlhaho re entsoe ka “setšoantšo sa Molimo” (*Gen. 1:27*), setšoantšo seo hamorao se ileng sa senngoa ke sebe. 'Me joalokaha re bone, ha Moshe a ne a buoa ka matla le boholo ba Molimo, o boetse a re Moolimo ha a nke tjojo le hore o khathalla mafutsana le ba tlokotsing. Molimo o etsa sena; ka hona, le rona re lokela ho etsa joalo.

Bala litemana tse latelang ho Deuteronoma. 'Moko-tabo oo li tšoanang ka tsona ke ofe?

Deut. 1:16 _____

Deut. 16:19 _____

Deut. 24:17 _____

Deut. 27:19 _____

Sohle se malebana le kamoo bafokolang, mafutsana, ba sono, malebana le kamoo ba sa fuoeng “toka” e tšoanang bongateng ba makhotla a lefatše joaloka batho ba nang le chelete, matla, le Tsusumetso ba sebeletsoang kateng ke maele. Ha ho khathalehe hore na ke naheng efe, nako, meetlo, kapa hore na makhotla a molao ke a maemo a holimo hakae, kapa hore na melao e metle hakae; kapa eng kapa eng; ho’a tšoana: mafutsana, ba fokolang, le bahloki, hangata ha ba tšoaroe ka ho tšoana le ba ba bang.

Sena ke sona se makatsang ka seo Morena ka boeeba a neng a se bolela mona. Tlhokahalo ena ea toka, e teng hohle, e n’e sa tlamehe ho etsahala Israeleng, sechabeng sa Molimo, se tla mo emela lefatšeng lohle. Ka hoba ho sebelisa lentsoe la sejoale joale, Morena o ne a batla hore “ho be le toka e lekanang mahlong a molao” Israeleng oa khale.

Empa sena se tebile ho feta leano la tšebeletso ea molao. “Halalelang hobane kea halalela, 'Na Jehova Molimo oa lona kea halalela” (*Lev. 19:2*). E, ba ne ba tseba hore na Molimo ke mang, 'me ba ne ba e na le mekhoha ea khumamelo e nepahetseng, 'me ba tlisitse mefuta e nepahetseng ea likabelo. Taba e nepahetse. Empa qetellong, thuso ea seo e ne’ le efe haeba ba ne ba hatella mafutsana le ba fokolang hara bona? Nako le nako, ka baporofeta, Jehova o thibela khetello ea mafutsana le ba fokolang Iseraeleng. U ka “halalela” empa u hatella ba bang joang? Ha ho khonahale, ho sa natsoe hore na u etsa litšebeletso tsa bolumeli hakae?

Bala Amose 2:6; Amosee 4:1; Amosee 5:11; Esaia 3:14, 15; Esaia 10:1, 2; le Jeremia 2:34. Ke sefe se buuoang ke baporofeta se bontšang hore Morena o ne a hlokomelitsitse Iseraele ka sona? Mantsoe aa a reng ho rona kajeno?

Tumelo e Hloekileng Pela Molimo

Bala Deuteronoma 24:10–15. Ke litšia life tsa bohlokoa tse bontšoang moo malebana le kamoo re lokelang ho tšoara ba tlasa puso ea rona?

Hape, re bona ho khathatseha ha Morena malebana le seriti sa mantlha sa motho. E, ha motho a u kolota, joale e le nako ea ho phahla mokoloto— ak’u bontše motho eo tlhomphonyana, mo fe seritinyana, u ka etsa joalo? U saee ha hae u fihle u mo tlake. Ho e na le ho etsa joalo, ema ka ntle u emele hore a tsoele ka ntle a u fe eona. Deuteronoma 24:12, 13 e bonahala e re ebang motho oa mofutsana a behile kobo ea hae “paneng” bakeng sa sekoloto sa hae, bonyane u lokela ho mo tlohela hore a robale ka eona bosiu boo. Litemana tse ling li buoa ka kamoo motho a tšoarang mafutsana a mo sebeletsang, a ka hatelloang habonolo, kateng. Se ke oa ba hatella hobane mahlong a Molimo, ke sebe ho etsa joalo, se scholo. Hape, haeba Baiseraele ba be ba tlameha ho ba lipaki, sechaba se halalelang se tsamaeang ’neteng lefatšeng le qoetseng hara hara liphoso, borapeli ba litšoantšo, bobbe, le sebe, ruri ba tlameha ho ba mosa ho ba fokolang ba eisehang sechabeng. Ho seng joalo, bopaki ba bona ha bo na thuso.

Bala Jakobo 1:27–2:11. Jakobo o reng moo ho bontša seo Jehova a neng a se bolella batho ba hae ho Deuteronoma? Ke bohlokoa bofe bo teng litemaneng tsee tabeng ea hore Jakobo o amahanya khatello ea mafutsana le melao e leshome?

Leha ho se letho Melaong e *Leshome* le bontšang *ho seha mapa ka lehare* ho etsetsoang bafutsana ke barui, ba bolokang molao ntle le phoso, empa ba hatella mafutsana kapa bahloki eleng ho tlontlolla tumelo ea motho feela? Ho rata oa heno joalokaha u ithata ke ponahatso e holimo-limo ea molao oa Molimo—’me sena ke ’nete ea kajeno hantle joalokaha ho ne ho le joalo nakong ea Jakobo, le joalokaha e ne le joalo nakong eo Moshe a neng a buoa le Iseraele meeling Lefatše le Halalelang.

Ke hobaneng re le Baleti ba Bolokang Letsatsi la Bosupa, ba nkang ho boloka molao e le ntho’a bohlokoa, re lokelang ho etsa bonnete ba hore re nka mantsoe a Jakobo le Deuteronoma ka tieo? Ha re sheba seo re se balang ho Jakobo, ke hobaneng ha tumelo ea rona ea ho boloka ho mpa ho matlafatsa qeto ea rona ea ho thusa mafutsana le bahloki ba hara rona?

Ho Ithuta ka Botebo: Ho thata ho nahana kamoo le nakong tse ntle ka ho fetisisa, tse kang tlasa puso ea Davida le Salemone, sechaba sa Iseraele se neng se hlohonolofalitsoe ke Molimo kateng, empa holima ho le joalo, ba neng ba hatella mafutsana le bahloki kateng.

“Ka baka leo, kahobane le hatakela e monyenyanane, le nka kobo ea hae ka ho mo tuba, leha le hahile matlo ka majoe a betliloeng; le keke la lula ho ‘hona, leha le hlomile masimo a matle a merara, le keke la noa veine ea ’ona, hobane ke tseba hoba litlolo tsa lona li ngata, le hoba libe tsa lona li atile haholo, le hloriga ea lokileng, le nka tefo, ’me bafumanehi ha le ba ahlolole khotla.” (*Amosee 5:11, 12*).

“Jehova o biletsa bohloko ba sechaba sa hae le marena a sona tsekong, o re: le jele tsimo ea merara, ’me khapo eo le e amohileng bafumanehi e matlong a lona” (*Esa. 3:14*).

Lipotso tsa ho Qoqoa:

1 Israele e ne e hloka ho hopola hore e bile “balichaba” Egepete, eleng le leng la mabaka a hore na hobaneng ba ne ba lokela ho tsoara balichaba le bahlophahi ba hara bona, joalokaha le bona ba ne ba lakatsa ho tsoaroa joalo Egepete. ’Nete ee e amana joang le evangeli, le taba ea hore, ka mali a Jesu, re lopolotsoe bokhobeng ba sebe? Hobaneng, hape ke ka litsela life tse tsoanang, seo Jesu a re etselitseng sona se flamehang ho ba le tšusumetso ho kamoo re tsoarang ba bang kateng, haho-holo ba eisehang?

2 Nahana ka eona. Re ka khumamela ka letsatsi le nepahetseng, ra utloisisa ’nete ka lefu, lihele, letšoao la sebata, joalo-joalo. Ho lokile. Empa see sohle se bolelang haeba re sa tsoara bafumanehi hampe, kapa re ba hatella kapa re sa ba abele toka ha re lokela ho ahlola taba ea bona? Haholo-holo ka baka la ’nete eo re nang le eona, hobaneng re lokelang ho ba hlokolosi hore re se ke ra nahana hore, mohlomong, ho tseba ’nete feela, eona ka bo eona, ke sohle seo Morena a se hlokang ho rona? Ke hobaneng ha seo e kaba leraba le kotsi-kotsi ho rona?

3 Ke karolo efe eo tumelo ea rona e flamehang ho ba le ena ho ka re thusa ho utloisisa seo hangata ho thoenng ke “litokelo tsa botho”?